

# Alla tscherca d'emprendists – surtut da mistergners

23 interpresas dalla regiun han presentau l'jamna vargada a Mustér lur professiuns allas scolaras ed als scolar che stattan avon l'elecziun dalla clamada. Difficultads d'occupar las plazzas d'emprendissadi han surtut menaschis dil sector da baghegiar, la gastronomia e hotellaria. Aunc adina van biars giuvenils la via dil commerciant.

HANS HUONDER/FMR

Per la secunda ga suenter 2021 ha ina grupp da lavur dall'Uniu da commerci e professiun Mustér purschiu ina revista da professiuns. Fertun ch'ella ei vegnida organisada igl onn vargau en duas seras ed en dus differents lohghens, eis ella seconcentrada uonn sin in suentermiezdi en in liug. Il baghetg dalla Casatec SA a Mustér ei staus il liug ideal persunter. *Pierino Bisquolm*, in dils conorganisatur, tila ina bilanza positiva dalla partecipaziun alla revista: «Nus essan fetg cuntents. Las scolas ein separticipadas stediamein, quei che ha fatg grond plascher.» Visitau la revista han surtut la sisavla primara e las classes dil scalem superiuir dallas scolas da Mustér, Sedrun e Trun/Sumvitg. Las 23 interpresas participontas han purschiu 30 professiuns. Fetg positivs seigien era biars resuns dils affons e giuvenils stai, surtut per quei che la revista ei vegnida purschida uonn en in sulet liug il medem suenter miezdi. Rodund 100 affons han nezegiau la caschun da s'informar. La proxima revista duei haver liug 2024. Aschia vul ins impedir l'alter onn ina collisiun da termins culla revista

«Fiutscher» a Cuera. Quella vegn arranschada il november 2023.

## Resuns positivs

Bia laud dat ei per quella revista era digl Uffeci per la formaziun professiunala dil Grischun. «Quei ei ina fetg buna causa. Talas iniziativas beneventein nus naturalmein», di il menader

## Impurtontas reglas

Interessantas informaziuns davart l'elecziun dalla clamada porscha la pagina d'internet [www.tbbk-ctfp.ch](http://www.tbbk-ctfp.ch) dalla Conferenza tripartita dalla formaziun professiunala dalla Svizra. In commitment communabel da plirs partenaris dat differents cussegls ed appellescha all'unitad. Aschia duein plazzas d'emprendissadi libras vegnir publicadas sil pli baul igl uost digl onn avon igl emprendissadi. Contracts d'emprendissadi duein vegnir fatgs sil pli baul in onn avon l'entschatta digl emprendissadi. Davart ils uffecis cantunals vegnan contracts d'emprendissadi approvai sil pli baul il settember digl onn avon igl emprendissadi. Sco quei che la conferenza puntuescha, ei quei «urari» egl interess dils giuvenils, menaschis e cantuns. Interessantas informaziuns ein era da cattar sin [www.berufsberatung.ch](http://www.berufsberatung.ch).

digl uffeci, *Curdin Tuor*. Sin damonda dalla FMR ha el mess a disposiziun entginas interessantas cefras che pertuccan l'elecziun dalla clamada. Aschia pertuccan las plazzas d'emprendissadi buca occupadas per la fin da fenadur, pia cuort avon l'entschatta dils emprendissadi: 2020 era quei 708 plazzas libras, avon in onn 778 ed uonn 822. Interessants ei era il diember da contracts d'emprendissadi approvai digl uffeci: Per la fin da fenadur 2020 era quei 1572, 2021 1459 ed uonn per la fin da fenadur 1520. In'interessanta gliesta ei era quella dallas professiuns eligidas da giuvenils e giuvenils pigl emprendissadi. Per l'entschatta digl onn d'emprendissadi 2021 ei quei stau claramein la professiun da commerciant(a) cun 237 contracts, suandada dalla tgirunza/tgirunz (EFZ) cun 125 contracts ed il specialist da commerci en detagl cun 80 contracts. Cun in bien ton pli paucs contracts suondan igl instalur d'electro (65), specialist da comunicaziun en hotel (52) e designader (51). La professiun da scrinari han 41 eligiu igl onn 2021, quella da cuschiner 32, lennari 30 e miradur 26. Cun auters plaid: La professiun da miradur ei vegnida eligida igl onn vargau da sulet-

tamein 1,7% dallas giuvenils e dils giuvenils grischuns. Perencunter han bunamein 15% eligiu la via professiunala dil commerciant.

## Negina tendenza

Pierino Bisquolm ch'ei staus conresponsabels per la revista da professiuns a Mustér ha buca saviu constatar ina tendenza tier ina ni l'otra clamada: «Quei che nus constatein ei che las giuvenils elegian pli savens era professiuns da mistergner. Tier nus el menaschi dalla Distec SA ha danovamein in'empredista entschiet uss la scolaziun sco polimecanista.» Era en autras professiuns ei quei veseivel. Igl Uffeci per la formaziun professiunala ei neutrals ella cussegliaziun dallas professiuns. «Nus empruein da far quei tenor las habilitads ed ils interess dils giuvenils», puntuescha Curdin Tuor. Dad onn tier onn detti ei levas tendenzas per ina ni l'otra professiun. In'influenza sil diember d'empredistas ed emprendists han las annadas. Gest ellas regiuns periferas ei il diember da naschentschas sereducius naven dalla fin dils onns 1990. Quei sentan era las fatschentas, bein enqual piazza d'empredissadi sa buca vegnir occupada. «Pigl onn da scolaziun che ha gest entschiet ei aunc adina publicau tier nus plazzas d'empredissadi libras surtut ella bransch da baghegiar principala e secundara, sco era ella hotellaria/gastronomia», di Curdin Tu-

or e constatescha: «Co propagar e far gust silas plazzas d'empredissadi ei causa dallas branschas. En quei process essan nus neutrals.»



30 professiuns ein vegnidas presentadas a Mustér allas giuvenils ed als giuvenils che bandunan la